



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. IV. Solvuntur objectiones,

[urn:nbn:de:hbz:466:1-77232](#)

DE ATTRIBVTIS DIVINIS IN COMMVNIS. 81

differentiam, aliosque gradus metaphysicos, A posset etiam dari in Deo compositio rationis: Sed illa repugnat divina simplicitati, ut infra ostendemus: Ergo in attributis divinis non potest dari distinctio rationis, per modum excludentis & exclusi. Sequela Majoris probatur: Sicut compositio realis est unio extremorum, quae realiter distinguuntur, ita compositio rationis, est unio plurium rationum, seu conceptuum, que se invicem per rationem excludunt: Ergo si divina essentia, ejusque attributa, fudent plures conceptus objectivos se mutuo excludentes, præbent etiam sufficiens fundamentum ad compositionem rationis.

Confirmatur: Conceptus objectivi qui se mutuo excludunt, inter se comparantur, per modum actus & potentiae, perfectivi & perfectibilis; ut constat in genere & differentia, aliisque gradibus metaphysicos: Sed in Deo non possunt dari duo conceptus objectivi, qui ad invicem comparentur per modum actus & potentiae, perfectivi & perfectibilis; repugnat enim actu puro & infinito, ex se fundare aliquam potentialitatem in nostris conceptibus, sed tantum offerre summam eminentiam, que actibus nostris imperfectis adaequare non possit: Ergo illi repugnat fundare conceptus objectivos se mutuo excludentes.

§. III.

Duo corollaria notata digna.

37. **E**X dictis inferes primò, quod si divina attributa considerentur secundum rationem implicitam entis increati & infiniti, quam transcendentaliter includunt, omnia sunt aequalia; cum illa ratio entis increati sit unica, simplicissima, & indivisibilis, & in omnibus attributis eodem modo includatur. Si vero concipiatur secundum rationem explicitam, & per analogiam ad similes perfectiones, quae reperiuntur in creaturis, sub hac ratione sunt in aequalia secundum quid, quatenus unum majorem exprimit perfectionem, quam alterum: v.g. intellectus major ex exprimit perfectionem, quam voluntas; & sapientia, quam scientia, vel ars; & ea quae spectant ad lineam intellectualem, omnium perfectissimam, quam ea quae pertinent ad voluntatem, & quae se habent tanquam affectiones ad lineam intellectualem consequentes.

38. Inferes secundò: Attributa divina prædicari non solum identice, sed etiam formaliter de essentia, & essentiam de attributis, & unum attributum de alio, tam in concreto, quam in abstracto. Prædicatio enim est vera & formalis, quando prædicatum essentialiter includitur in subiecto: Ergo si essentia divina essentialiter includitur in attributis, & attributa in essentia, & unum attributum in alio, poterunt formaliter de se invicem prædicari, tam in concreto, quam in abstracto.

Confirmatur: Cum Deus habeat ratione sua infinitatis, quod habet ens ratione sua transcendentialiter, eodem modo philosophandum est de attributis divinis, sicut de proprietatibus entis: Sed proprietates entis de se mutuo prædicanter formaliter, tam in abstracto, quam in concreto: illæ enim propositiones sunt verae: *Ens est verum, verum est bonum*. Et istæ, *Ens est veritas, veritas est bonitas*: Ergo similiter istæ erunt veræ, & formales: *Deus est sapiens, vel sapientia; Deitas est iustitia; iustitia est misericordia*. De

quo videri potest D. Bernardus serm. 80. in Cantica, & libro 3, de consideratione.

Dices: Si unum attributum possit de alio formaliter prædicari, poterit etiam dici, quod unum attributum est aliud, v. g. quod attributum iustitia, est attributum misericordia. Poterit etiam propria operatio unius, attribui alteri; & affirmari quod voluntas intelligat, quod intellectus amet, quod misericordia puniat, quod justitia parcat &c. Sed haec omnia sunt falsa & absurdula: Ergo &c.

Respondeo negando sequelam Majoris: quando enim dico, *attributum misericordiae*, tunc ex primo misericordiam formalissimè & reduplicativè, secundum rationem explicitam, & quatenus virtualiter à iustitia distinguitur: sub qua ratione, non est idem formalissimè cum iustitia; nec potest de illa prædicari, vel ejus operatio ei tribui: quod ut fiat evidenter, & plura sophismata quae in hac materia fieri solent, facilius dissolvantur.

Adverte primò: Attributum quodlibet, posse concipi duobus modis in Deo. Primò prout appellat, & reduplicat proprium & explicitum conceptum, quem formaliter per modum veluti differentia dicit, & exprimit: quod est considerare ipsum, secundum quod actu exercet distinctionem virtualem ab altero attributo, ei que veluti opponitur. Secundò potest considerari, non solum præcisè secundum quod reduplicat proprium conceptum, quem per modum differentia exprimit, sed absolute secundum ea omnia que implicitè etiam continet.

Adverte secundò: Distinctionem vel relationem rationis, duobus modis importari posse in aliquo prædicato: scilicet per modum pura conditionis, vel per modum consignificati: v. g. in hac propositione, *homo est animal*, distinctione, vel relatio rationis inter gradum genericum & specificum, involvitur solum implicitè, & per modum conditionis ad prædicacionem requisite; quando vero dicitur, *animal est genus*, secunda intentio generitatis, & distinctione rationis à gradu specifico, importatur explicitè, & per modum consignificati. His positis, dico quod licet unum attributum possit formaliter prædicari de alio, secundum rationem implicitam entis increati quam importat; non tamen secundum rationem explicitam, quam formaliter, & per modum differentiae exprimit: quia in tali ratione explicita importatur formaliter, & per modum consignificati, distinctione virtualis unius attributi ab alio. Unde licet haec propositiones: *misericordia in Deo est iustitia*: *bonitas est sapientia*, sunt veræ, & formales; ista tamen, *attributum misericordiae est attributum iustitiae*: *vel intellectus amans voluntas intelligit*, sunt falsa; quia in his formaliter exprimitur, & exercetur distinctione virtualis unius attributi ab alio, ac importatur in illis, non solum per modum conditionis ad prædicacionem requisite, sed etiam per modum prædicandi, vel consignificandi: sicut in illis, *animal est genus*: *homo est species*.

§. IV.

Solvuntur objectiones.

Objectiones primò cum Nominalibus contra primam conclusionem. Attributa non magis distinguuntur ab essentia, quam relationes: Sed relationes ab essentia, ne ratione quidem distin-

L

guntur : Ergo nec attributa. Major constat ex paritate rationis. Minor probatur ex Concilio Rhemensi, sub Eugenio III. celebrato, in quo haec verba habentur : *In Theologia, inter essentiam & personam, ratio non distinguit* : Ergo relationes, ne ratione quidem, ab essentia distinguuntur.

Respondeo concessa Majori, negando Minorem. Ad cuius probationem dicendum, Concilium Rhemensis, verbis in argumendo relatis, proscribere errorem Gilberti, qui ut testatur Otto Frisingensis, Author illius temporis, qui acta illius Concilij conscripsit ; & colligitur etiam ex variis locis D. Bernardi, qui illius Concilium Author praecepit, & quafi mens fuit) distinguebat duplē rationem : unam Mathematicam, qua per mentem praescindit, & distinguit ea qua non sunt in re distincta; aliam Theologicam, distinguētē ea solum quae in re distincta sunt ; & dicebat, relations divinas esse Deo veluti extrinsecus affixas, ac proinde ab essentia divina, ratione non solum Mathematica, sed etiam Theologica, distinctas : id est, admittebat distinctionem in te, inter essentiam & personas, quam rationis Theologica appellabat. Ut ergo Concilium hunc errorem proscripteret, & hanc distinctionem rationis Theologicae excluderet, dixit, *in Theologia inter essentiam & personas, ratio non distinguit*.

43. Objices secundo contra secundam conclusio-
nem. Quod sequitur ad aliud, non potest includi
formaliter in illo; alioquin idem simul effet
prius & posteriori : Sed divina attributa conse-
quuntur ad essentiam, veluti ejus affectiones,
& proprietates; ut constat ex definitione attri-
buti, supra à nobis exposita : Ergo non possunt
includi formaliter in illa.

Respondeo distinguendo Majorem : Quod se-
quitur ad aliud, reali sequelā, involente distinc-
tionem realem, non potest formaliter includi
in eo, concedo : virtutib[us] sequelā importante so-
lūm distinctionem virtualem, subdistinguo :
non potest includi in eo, explicitè, concedo :
implicitè, nego : nam proprietates entis virtua-
liter ad essentiam ipsius consequuntur, & tamen
in ea implicitè includuntur. Unde ad probatio-
nem Majoris dicendum est, idem sub conceptu
explicito posse esse posteriori secundum ratio-
nem, seipso sub conceptu implicito considerato:
sicut patet in exemplo allato de proprietatibus
entis.

44. Quæres pro complemento hujus disputatio-
nis, an distinctionis rationis attributorum ab essentia,
sunt non solum ab intellectu nostro, imper-
fectè cognoscente Deum; sed etiam ab intellectu
Dei, & beatorum, videntium Deum ut est
in se?

Respondent aliqui affirmativè : Quia (in-
quiunt) distinctionis rationis resultat in objecto,
per operationem cuiuscunque intellectus, con-
cipientis id quod est actu unum, ut plura virtu-
liter : unde cum intellectus Dei, & beatorum,
essentiam & attributa divina, ut plura virtu-
liter concipiatur, distinctionem rationis, quæ inter
illa est, efformat.

Pars tamen negativa multò videtur probabi-
lior: Quia distinctionis rationis fit per diversos con-
ceptus inadæquatos, qui immediatè & primariò
terminantur ad diversas formalitates objecti :
Sed nec Deus, nec beati, per visionem beatificam
formant diversos conceptus inadæquatos,

A qui habeant pro objecto immediato attributa &
essentiam, ut plura : Ergo non formant distinctionem rationis attributorum ab essentia. Ma-
jor constat: ut enim antea exposuimus, distinctionis rationis attributorum ab essentia duplex habet
fundamentum, unum remotum, eminentiam scilicet divinæ nature æquivalentis pluribus

B p[ro]tectionibus creatis aliud proximum, nempe limitationem intellectus creati, concipientis distinctionis conceptus inadæquatis, ea quæ in Deo sunt maximè unum & simplicissimum. Minor autem probatur: Beati enim cognoscunt Deum, ejusque relationes, & attributa, per ipsam es-
sentiam divinam, gerentem vices speciei, non
sunt impressæ, sed etiam expressæ, seu verbi
& conceptus, ut infra quæst. 12. ostendemus:
unde cum illa sit unica, & simplicissima, unico indivisibili conceptu, Deum ut in se est, intuen-
tur. Hanc rationem eleganter expendit S. Do-
ctor quæst. 7. de potentia art. 6. his verbis: *Di-
vergitatis ergo, vel multiplicitat[is] rationum &
nomina, causa est ex parte intellectus nostri,
qui non potest pertingere ad illam Dei essentiam
videndam, secundum quod in se est, sed videt
eam per multis similitudines ejus deficiens, in
creatulis, quasi in speculo, resultantes; unde si
ipsam essentiam videret, non indigebat pluribus
nominibus, nec pluribus conceptionibus.* Idem do-
cen D. Bernardus libro 5. de consider. ubi ait:

*V[er]is sum protulisse plura, sed unum est; unus
Deus signatus est pro capitu nostro, non pro suo pa-
tri. Divisus est hic, non ille, voces diversæ, semi-
te multæ, sed unum per eas significatur, unus
queritur. Et paulo post: Nobis autem, quia non
possimus cum Deo simplicitate contendere, dum
contendimus apprebendere unum, occurrit veluti
quadruplicatum: facit hoc speculum, & anigma,
per quod solum videre datur: cum autem videbi-
mus facie ad faciem, videbimus eum sicut est. Nec
enim iam tunc fragilis actis mentis nostra, quan-
tumlibet vehementer intendens, aliquatenus resi-
lit, desilire in suam pluralitatem: colliget se
magis, adunabit, conformabitque unitati illius,
vel porius unitati illi, ut una uni facies respon-
deat faciei.*

E Ex quibus inferes, beatos per cognitionem
quam habent extra Verbum, distinctionem rationis inter essentiam divinam, & attributa, vel
inter ipsa attributa, posse efficere; quod opposi-
ta ratione probatur: quia scilicet non una, sed
multiplex esse potest cognitionis beatorum extra
Verbum.

Ad fundamentum vero primæ sententiae facilè
respondet, quod licet intellectus Dei, & bea-
torum, cognofcat essentiam divinam, & attributa,
ut virtualiter plura, ex hac tamen cognitione
distinctionis rationis non resultat; quia ad il-
lam requiritur, quod eminentia divina natura,
diversis conceptibus inadæquatis attingatur:
Deus autem qui seipsum perfectè intelligit, &
comprehendit, unicam tantum rationem for-
malem sui format, scilicet Verbum suum: ideo
dixit Regius Vates, *Semel locutus est Deus;* quia
unicum fuit infinita perfectionis format concep-
tum; nos autem duo audimus, quia per ratio-
nes distinguimus divinas perfectiones, ob divi-
na simplicitatis eminentiam, & intellectus no-
stri infirmitatem.